


# «Գրիգորիս» բժշկա-հումանիտար քոլեջ

Հաստատված է  
Տնօրինական խորհրդի կողմից  
« 29 » 08 2022թ.  
Արձանագրություն № 1

Հաստատում եմ  
«Գրիգորիս» բժշկա-հումանիտար քոլեջի  
Տնօրեն  Ի. Վարդանյան  
« 31 » 08 2022թ.



## ԿԱՐԳ

«ԳՐԻԳՈՐԻՍ» ԲԺՇԿԱ-ՀՈՒՄԱՆԻՏԱՐ ՔՈԼԵՋԻ  
ՄԻՋԻՆ ՄԱՍՆԱԳԻՏԱԿԱՆ ԿՐԹԱԿԱՆ ԾՐԱԳՐԻ ՄԱՍՆԱԳԻՏԱԿԱՆ  
ԴԱՍԸՆԹԱՑՆԵՐՈՒՄ ՀԵՏԱՋՈՏԱԿԱՆ ԱՇԽԱՏԱՆՔԻ ԿԱՏԱՐՄԱՆ  
(ՆՈՐ ԽՄԲԱԳՐՈՒԹՅԱՄԲ)

## **1. ԸՆԴՀԱՆՈՒՐ ԴՐՈՒՅԹՆԵՐ**

- 1.1. Ղեկավարվելով «Գրիգորիս» բժշկա-հումանիտար քոլեջի 2019-2024 թթ. զարգացման ռազմավարական ծրագրի «Արդիական հետազոտություն և նորարարություն» նպատակի խնդրի 1-ին և 2-րդ գործողության իրականացման հանձնառությամբ՝ «Գրիգորիս» բժշկա-հումանիտար քոլեջի (այսուհետ՝ Քոլեջ) միջին մասնագիտական մասնագիտությունների կրթական ծրագրերի մասնագիտական մի շարք դասընթացներում ընդգրկվում է հետազոտական աշխատանք:
- 1.2. Հետազոտական աշխատանքները ներմուծվում է տվյալ դասընթացի շրջանակում հետազոտության կատարման և ներկայացման միջոցով, որի նպատակն է խթանել ուսանողի անհատական կամ խմբային հետազոտություն կատարելու ունակությունները և նպաստել նրա մասնագիտական հմտությունների զարգացմանը:
- 1.3. Հետազոտական աշխատանքը իրականացվում է ինչպես դասընթացի տեսական կամ գործնական պարապմունքների ընթացքում, այնպես էլ ինքնուրույն աշատանքների միջոցով, որի համար դասավանդող դասախոսը տամադրում է խորհրդատվություն:
- 1.4. Սույն կարգը սահմանում է բոլոր տեսակի (կուրսային, դիպլոմային, ռեֆերատ, ավարտական աշխատանք) հետազոտական աշխատանքների կազմակերպման և անցկացման նպատակները, խնդիրները, ամփոփման և գնահատման կարգը:
- 1.5. Հետազոտական աշխատանք ներառող մասնագիտական դասընթացների ցանկը սահմանում է մասնագիտական ամբիոնի վարիչը և հաստատվում է Մանկավարժական խորհրդի կողմից: Հաստատումից հետո նշանակվում է՝ ղկավար, ժամանակացույց և ներկայացման վերջնաժամկետ:
- 1.6. Սույն կարգը կարող է վերանայվել, կամ փոփոխվել քոլեջի Տնօրինական խորհրդի կողմից, վավերացնում է Քոլեջի տնօրենը

## **2. ՀԵՏԱԶՈՏԱԿԱՆ ԱՇԽԱՏԱՆՔՆԵՐԻ ՆԿԱՐԱԳՐՈՒԹՅՈՒՆ**

- 2.1. Հետազոտական աշխատանքը ներառվում է միայն մասնագիտական դասընթացներում:
- 2.2. Հետազոտական աշխատանքը մասնագիտական ոլորտին առնչվող, կիրառական նշանակություն ունեցող և գործնական խնդիրների լուծմանը միտված ինքնուրույն անհատական կամ խմբային հետազոտություն է: Այն անմիջականորեն կարող է առնչվել ինչպես տվյալ մասնագիտական դասընթացի առարկային և խնդիրներին, այնպես էլ հարակից դասընթացներին:
- 2.3. Հետազոտական աշխատանքը կարող են կազմակերպել ուսանողի կամ ուսանողների խմբի (առավելագույնը 3 ուսանող) կողմից՝ դասընթացը վարող դասախոսի ընդհանուր ղեկավարությամբ:
- 2.4. Քոլեջում հետազոտական աշխատանքները կազմակերպում են կիրռելով գիտական, հետազոտական ժամանակակից մեթոդներ և միջոցներ: Աշխատանքի արդյունքում ստացված տվյալները վերլուծվում են, և արվում է համապատասխան եզրակացություն:

2.5. Հետազոտական աշխատանքը՝ (կուրսային, դիպլոմային և ավարտական, A4 ֆորմատի առնվազն 18 էջ) պետք է ունենա տիտղոսաթերթ (վերնագիր, հեղինակ կամ համահեղինակներ), ներառելով հետևյալ բաղադրիչները.

- 1) հետազոտության նպատակը,
- 2) հետազոտության խնդիրները,
- 3) հետազոտության մեթոդները,
- 4) դիտարկվող հիմնահարցերի վերաբերյալ տվյալների հավաքագրում՝ ըստ դրված խնդիրների, գրականության հակիրճ վերլուծություն,
- 5) ստացված արդյունքների (տվյալների) ներկայացում և վերլուծություն,
- 6) եզրակացության ներկայացում,
- 7) գրականության ցանկ:

2.6. Ռեֆերատիվ աշխատանքները (A4 ֆորմատի առնվազն 3 էջ) պետք է ունենա վերնագիր, հեղինակ կամ համահեղինակներ, ներառելով հետևյալ բաղադրիչները.

- 1) աշխատանքի նպատակը,
- 2) դիտարկվող հիմնահարցերի վերաբերյալ գրականության հակիրճ վերլուծություն,
- 3) եզրակացության ներկայացում,
- 4) գրականության ցանկ:

### **3. ՀԵՏԱԶՈՏԱԿԱՆ ԱՇԽԱՏԱՆՔՆԵՐԻ ԳՆԱՀԱՏՈՒՄԸ**

3.1. Դասընթացի շրջանակում կատարված հետազոտական աշխատանքի (ռեֆերատ կամ կուրսային) արդյունքը հաշվի է առնվում ինչպես տվյալ դասընթացի, այնպես էլ հարակից դասընթացների ամփոփիչ գնահատականում որպես ընթացիկ միավոր՝ առավելագույնը 5 միավոր:

3.2. Մասնագիտական առանձին դասընթացներից կամ մոդուլներից կատարված հետազոտական աշխատանքը (դիպլոմային կամ ավարտական) ներկայացվում է համալիր (միջառարկայական կամ միջմոդուլային) քննության կամ պետական ավարտական ամփոփիչ ատեստավորման ժամանակ պաշտպանության ձևով:

3.3. Կատարված աշխատանքի բաղադրիչի գնահատումը կատարվում է հետևյալ չափանիշներով և համամասնությամբ.

- 1) թեմայի արդիականության հիմնավորում և կատարման ինքնուրույնություն.
  - ռեֆերատ կամ կուրսային՝ առավելագույնը 2 միավոր,
  - դիպլոմային կամ ավարտական աշխատանք՝ առավելագույնը 4 միավոր,
- 2) աշխատանքի պահանջների ամբողջական կատարում.
  - ռեֆերատ կամ կուրսային՝ առավելագույնը 1 միավոր,
  - դիպլոմային կամ ավարտական աշխատանք՝ առավելագույնը 2 միավոր,
- 3) ստացված արդյունքների որակական և/կամ քանակական վերլուծություն.
  - ռեֆերատ կամ կուրսային՝ առավելագույնը 1 միավոր,
  - դիպլոմային կամ ավարտական աշխատանք՝ առավելագույնը 2 միավոր,
- 4) աշխատանքի բանավոր ներկայացում.

- ռեֆերատ կամ կուրսային առավելագույնը 1 միավոր (եթե աշխատանքը կատարվել և տրվել է դասախոսին, բայց բանավոր ներկայացում տեղի չի ունեցել, ուսանողը կարող է ստանալ միայն մյուս չափանիշների գծով տրվող միավորը. ուսանողի ամփոփիչ գնահատականը ձևավորվում է մյուս չափանիշներով),
- դիպլոմային կամ ավարտական աշխատանք՝ առավելագույնը 2 միավոր:

5) աշխատանքում գրագողության հայտնաբերման դեպքում, համաձայն Քոլեջում գործող «Ակադեմիական ազնվության» կարգի, աշխատանքը գնահատվում է «անբավարար»:

#### **4. ՀԵՏԱԶՈՏԱԿԱՆ ԱՇԽԱՏԱՆՔԻ ԿԱՏԱՐՄԱՆ ԺԱՄԱՆԱԿԱՑՈՒՅԸ**

- 4.1. Հետազոտական աշխատանք ներառող դասընթացները միջին մասնագիտական կրթական ծրագրում կարող են իրականացվել.
  - ❖ ռեֆերատիվ աշխատանքները՝ առավելագույնը 4 շաբաթում,
  - ❖ կուրսային աշխատանքներ՝ առավելագույնը մեկ ուսումնական կիսամյակ,
  - ❖ դիպլոմային կամ ավարտական աշխատանք՝ առավելագույնը մեկ ուսումնական տարի (ավարտական):
- 4.2. Հետազոտական աշխատանքի թեմաները տրվում և հաստատվում են դասախոսի կողմից յուրաքանչյուր կիսամյակում՝ 4 շաբաթվա ընթացքում:
- 4.3. Խմբային հետազոտական աշխատանք կատարելու դեպքում, խմբերի կազմը հաստատվում է դասախոսի կողմից յուրաքանչյուր կիսամյակում՝ 6 շաբաթվա ընթացքում:
- 4.4. Հետազոտական աշխատանքը դասախոսին ներկայացվում է տպագիր տարբերակով՝ դասախոսի կողմից սահմանված ժամկետում: